

Կ Ո Լ Ո Տ Ի Ե Պ Ի Ս Կ Ո Պ Ո Ս Ո Ւ Թ Ի Ի Ն Ը

Պոլսոյ պատրիարքական դահլը բարձրանալէն ի վեր 11 տարի կ'անցնէր եւ դեռ Հայոց Պատրիարքը չալիք-չէր էր:

Աստուածատուր կաթողիկոս վախճանեցաւ 1725 Հոկտեմ. 10ին: Կոլոտ անմիջապէս ժողով գումարեց Պոլսոյ Մայրեկեղեցւոյ մէջ եւ կաթողիկոս ընտրուեցաւ Գաղատիոյ Առաջնորդ՝ Ուլնեցի Կարապետ Եպս. Պոլիս հրաւիրուեցաւ եւ Մայրեկեղեցւոյ մէջ ամենայն Հայոց կաթողիկոս օծուեցաւ 12 եպիսկոպոսներէ, 1726 Փետր. 27, Մեծ պահոց Բ. Կիրակին: Երեք օր ետքը՝ Հայոց կաթողիկոսը իր Եպիսկոպոսական առաջին ձեռնադրութիւնն ըրաւ Մայրեկեղեցւոյ մէջ Հայոց պատրիարքը բարձրացնելով Եպիսկոպոսական աստիճանին: — Կարապետ Կթղ. քանի մ'օր ետքը Ղալաթիոյ Ս. Լուսաւորիչ եկեղեցւոյ մէջ Եպիսկոպոս ձեռնադրեց երեք վարդապետներն ալ: Շղթայակրին փոխանորդը, Յովհաննէս (Հաննէ), որ Պոլիս եկած էր, Կոլոտի աշակերտներէն թովմաս եւ Կոլտինայի (= Քէօթասէայի) Առաջնորդ՝ Մարտիրոս վարդապետները:

Նոյն տարին, Օրթագիւղի Ս. Աստուածածին եկեղեցին, որ Կոլոտի անխոնջ վաստակովը շինուած լմնեցած էր, օծուեցաւ: Օծման հանգէսին նախագահեց նորընտիր կաթողիկոսը, նորապսակ Կոլոտին հետ: Երբ Կոլոտ, կաթողիկոսին հրամանաւ սրբազործութեան վերջին աղօթքը կարդաց, կաթողիկոսն՝ որ բեմի աջ կողմը դրած էր իւր աթոռը, ոտք ելաւ, եւ անշուշտ ընտիր քարոզով մը Կոլոտի եւ Շղթայակրի ինքնին պերճախօս աշխատութիւններն ու ծառայութիւնները դրուատեւէ եւ օրհնեւէ ետքը, երկու Աթոռներուն բաժանումն ինքն ալ վաւերացուց եւ Երուսաղէմի